

元和郡縣志卷三十七

唐 李吉甫 撰

嶺南道 三

邕州 朗寧下都督府

開元戶一千六百二十四 鄉十一

案元和戶鄉數傳寫缺

今為邕管經略使理所 管邕州貴州賓州澄州橫州欽州潯州鬱州 管縣

三十三

案都管戶數傳寫缺

古越地也秦併南越為桂林縣地在漢為鬱林郡之領方縣地也晉于此置晉興郡隋開皇十四年廢晉興郡

元和郡縣志

卷三十七

徐秉文校

為晉興縣屬簡州大業三年州廢以縣屬鬱林郡武德四年于此置南晉州貞觀六年改為邕州因州西南邕溪水為名乾封二年置都督府後為夷獠所陷移府于貴州景雲二年州界平定復于邕州置都督府

州境

州境里數傳寫缺

八到

北至上都取象州路四千七百七十五里取藤州路五千四十五里

北至東都四千五百八十五里

東至欽州三百三十里

東北至澄州二百四十里

西南至讓州二百八十里

西南至安南一千里

貢賦 唐六典邕州貢銀

管縣七

宣化 武緣 晉興 朗寧 思籠 封陵

如和

宣化縣 下郭下

本漢領方縣地隋開皇十四年于此置晉興縣十八年

改為宣化縣屬鬱林郡武德屬南晉州貞觀改邕州

鬱江水經縣南去縣二十步

左溪右溪在縣東西流至縣東南同注鬱江

元和郡縣志

卷三

二 徐秉文校

武緣縣 中西至州一百里

本漢領方縣地隋開皇十一年于此置武緣縣屬緣州

大業三年廢武德五年又置 案武緣晉興置屬南晉州後改邕州此並缺敘

鬱江水經縣南去縣三十步

都稜鎮在縣西水路一百里

晉興縣 中下南至州一百里

本漢領方縣地晉于此置晉興縣隋開皇十四年省 案前

邕州及宣化縣敘謂隋廢晉興郡為縣又謂隋置晉興縣而此云晉置隋省者攷宋書州郡志晉元帝太興元年分鬱林立晉興太守所領有晉興縣蓋至隋而廢郡及縣別置晉興縣于百里南後改宣化參合乃明武

德五年又置

朗寧縣

中下南至州一百八十里

本漢增食縣地武德五年分置朗寧縣屬南晉州改屬

邕州

唐書地理志武緣晉興朗寧並武德五年以宣化縣析置此不備敘蓋省文

思籠縣

中下東至州三百里

封陵縣

中下西南至州一百里

右二縣並景雲後置

唐書地理志思籠封陵並乾元後開山峒置與此異

如和縣

中下東北至州九十里

本漢合浦縣之地武德五年析欽州南賓安京二縣地

元和郡縣志

卷三

三

置如和縣因縣西南四十里如和山為名屬欽州景雲

二年割屬邕州

貴州

懷澤下

開元戶三千六百二十九 鄉十九 元和戶鄉傳寫缺

本西甌駱越之地秦并天下置桂林郡尉佗王越改桂

林為鬱州後又為桂林元鼎六年平南夷改桂林為鬱

林郡梁時于郡置南定州隋開皇十年罷鬱林等郡改

為南尹州大業二年改尹州為鬱州三年罷州為鬱林

郡隋末陷賊武德四年平蕭銑于郡置南尹州並置總

管府八年改南尹州為貴州

州境

東西一百三十七里
南北二百一十七里

八到

北至上都取梧州路四千八百七十五里取象
州路四千五百八里

東北至東都四千六百三十五里取象州路四千
三百二十五里

東北沿流至潯州一百一十五里陸路一百四十
里

東至繡州一百里
南至鬱林州一百四十里

西至賓州二百二十五里
西南沿流至橫州一百七十里

北至象州三百一十里

貢賦

開元貢 紵布
此貴州與後賓澄橫欽諸州之賦並傳寫缺

元和郡縣志

卷三

四

管縣四

鬱林 懷澤 義山 潮水

鬱林縣

上郭下

本漢廣鬱縣也吳改為陰平晉改為鬱平隋開皇十年
于此置鬱林縣屬鬱林郡武德屬貴州

顯朝岡在縣北二十里陸績為太守每登此岡制渾天

圖

鬱江水南去縣十五步

石井亦名司命井在縣北二里竭則人疾疫歲不登

懷澤縣 下北至州一百里

本漢廣鬱縣地武德四年置

義山縣 下東北至州八十里

本漢廣鬱縣地隋開皇十年置馬度縣因縣南三十里

馬度山為名武德四年改為馬嶺天寶元年改為義山

唐書地理志云貞觀後省天寶後更置曰義山與此畧異

潮水縣 下東至州五十里

本漢廣鬱縣地武德四年分置潮水縣

浮溪水在縣南十三步

元和郡縣志

卷三

五

賓州 嶺方下

開元戶一千八百九十五 鄉十一

元和戶鄉傳寫缺

古越地也今州即漢鬱林郡之領方縣也至隋不改隋

亂陷賊貞觀五年析澄州三縣于此置賓州

州境 東西一百三十二里 南北六十三里

八到 北至上都四千五百九十五里 東北至東都四千三百三十五里

東至貴州二百二十五里 東北至巖州一百九十里

西南至邕州二百四十五里 西北至澄州八十八里

貢賦

開元貢 銀 筒布 蕉布

管縣三

嶺方 琅琊 保城

嶺方縣 下郭下

本漢舊縣也吳改為臨浦縣隋復為領方屬鬱林郡武德四年屬南方州貞觀五年改屬賓州

都婪水去縣二十三里

琅琊縣 下西北至州二十五里

武德四年析領方縣置屬南方州貞觀五年割屬賓州

琅琊水在縣西一里

元和郡縣志 **卷三**

保城縣 下西至州五十里

本漢廣鬱縣地屬鬱林郡梁置安成郡隋改縣屬鬱林

郡貞觀割入賓州至德二年改名保城

可零水出縣西平地北流

澄州 賀水下

開元戶二千一百六十五 鄉十二 **案**元和戶鄉數傳寫缺

古越地也今州即漢鬱林郡之領方縣地也漢領方縣

今賓州嶺方縣也 **案**漢晉宋隋志皆作領方至杜佑通

書改自漢迄隋其地不改隋亂陷賊武德四年平蕭銑于

此置南方州貞觀八年改為澄州

州境東西三百五十三里
南北三百三里

八到北至上都四千六百三十五里
東北至東都四千三百七十五里

東至貴州三百四十一里
南至賓州八十八里

西至邕州三百三十九里
北至嚴州三百三十里

貢賦開元貢銀

管縣四

上林 無虞 止戈 賀水

上林縣下郭下

元和郡縣志

卷七

七

本漢領方縣地武德四年分置上林縣在上林洞口因以為名

都澧水在縣北一百步

無虞縣下西南至州三十六里

武德四年析領方縣置屬南方州後改屬澄州

羅富山在縣西北五里

都澧水在縣北一里

止戈縣下東至州八十里

武德四年析領方縣置屬南方州改屬澄州

賀江水一名都泥江在縣北一百九十里

賀水縣 中西南至州一百六十里

武德四年析柳州馬平縣置屬南方州改屬澄州

都泥江在縣北一百四十里

橫州 寧浦下

開元戶一千三百七十八 鄉十七

古越地趙佗王越地亦屬之漢平南越置合浦郡今州

卽漢合浦郡之高涼縣地也在今高州界晉于合浦北

部置寧浦郡隋開皇十年廢為縣以屬簡州十八年改

元和郡縣志

卷三

八

簡州為緣州大業三年廢州入鬱林郡隋末陷賊武德

四年平蕭銑重置南簡州貞觀八年改為橫州至德移

于舊州東七里鬱江北岸

州境 東西一百三十二里 南北二百一十一里

八到 北至上都取貴象州路四千七百五十五里 州水路四千一百七十五里

東北至東都四千三百九十五里 東北至貴州水路一千七百七十五里

西南至欽州水陸相兼三百一十一里

貢賦 開元貢 銀

管縣四

寧浦 樂山 淳風 嶺山

寧浦縣 下郭下

本漢高涼縣地 案舊唐書云漢廣鬱縣地與此異 吳分爲寧浦縣隋開

皇時屬鬱林郡貞觀屬橫州

鬱江水俗名蠻江北去縣十步

樂山縣 下西至州水路一百二十里

本漢鬱林郡雍雞縣地陳于此置樂陽郡隋開皇十年廢郡改爲樂山縣屬緣州大業初改屬鬱林郡貞觀八年改屬橫州

元和郡縣志

卷三

九

蠻江南去縣七步

淳風縣 下西南至州九十里

武德四年析寧浦縣之北界置

鯨江水經縣西去縣百步

嶺山縣 下東至州一百里

本漢高涼縣之地梁于此置嶺山郡隋開皇十年廢郡爲縣屬鬱林郡武德四年改屬橫州

蠻江北去縣五步

欽州 寧越下

開元戶二千二百八十 鄉十一
元和戶鄉數傳寫缺

古越地非九州之域尉佗王越亦屬焉漢平南越置合浦郡今州卽合浦郡之合浦縣地也按合浦在廉州界宋分合浦置宋壽郡梁武帝于今欽江縣南三里置安州隋開皇十八年改安州爲欽州取欽江爲名也大業三年改爲寧越郡武德四年平蕭銑改爲州仍爲都督府貞觀元年罷都督府復爲州

州境 東西六百七十三里 南北四百四十四里

八到 北至上都五千五百里 東北至東都四千八百五十里

元和郡縣志

卷三

十

東至廉州三百三十里 東北至橫州三百十里 西南至陸州七百四十里

貢賦 開元貢 銀 金

管縣五

欽江 安京 遵化 內亭 靈川

欽江縣 下郭下

本漢合浦縣之地宋于此置宋壽郡隋開皇十九年罷郡爲欽江縣屬欽州皇朝因之

豐子嶺在縣北一百二十里

欽江在縣東二百步

西零戍在縣南三里

安京縣

下西北至州七十里

梁武帝分宋壽郡于此置安京郡隋開皇十年廢郡為縣屬欽州皇朝因之

羅浮山在縣北十里俗傳似循州羅浮山因名之

遵化縣

下西南至州一百八十里

隋開皇二十年置本合浦縣地也

欽江水源出縣東北閣博山

元和郡縣志

卷三十七

十一

徐秉文校

內亭縣

下東南至州一百里

本漢合浦縣地隋開皇十七年置名新化縣十八年改名內亭屬欽州皇朝因之因內亭水為名

唐書地理志武德五年

以內亭遵化二縣置南亭州貞觀二年州廢仍屬欽州

靈川縣

下南至州九十六里水路一百二十里

隋開皇十八年于州北四十八里置南賓縣貞觀十年移于峰子嶺南天寶元年改為靈川縣今南四十里謂之水步即是欽州北來人泝流捨舟登陸處

潯州

潯江下

開元戶一千七百一十六 鄉五
案元和戶鄉數傳寫缺

本漢合浦郡地貞觀七年分置潯州取北潯江為名十二年廢入龔州長壽元年又割龔州桂平皇化大賓三

縣重置潯州

州境

案州境里數傳寫缺

八到

北至上都四千六百九十五里
東北至東都四千一百七十五里

東北沿流至龔州一百二十里
南至繡州八十里

西南沿流至貴州二百里陸行一百里
西北至象州陸路二百一十里

貢賦

案杜佑通典潯州貢銀二十兩此與賦並缺載

元和郡縣志

卷三七

十三 徐秉文校

管縣三

桂平 皇化 大賓

桂平縣 下郭下

本梁于此置桂平郡隋開皇十年罷郡為縣屬鬱林郡貞觀七年于縣置潯州十二年廢以縣隸龔州後復置縣又屬焉

皇化縣

下西至州三十里

隋開皇十一年置因縣東一里皇化水為名大業二年廢貞觀七年復立

大賓縣 下西至州四十里

隋開皇十五年分桂平縣置以縣西北賓水為名武德七年曾于縣置潯州後移于桂平縣

巒州 永定下 開元元和戶鄉數並傳寫缺

本漢領方縣地貞觀末永徽初置後以蠻獠背叛廢于

其城置驛開元十五年李商隱重奏置 唐書地理志 武德四年置涪

涪州 天寶元年改為永定郡乾元元年復為涪州永貞元年改為巒州與此詳略互異

州境 州境里數傳寫缺

八到 北至上郡取橫象州路四千八百五十五里東北至東郡四千六百三十五里

元和郡縣志 卷三 三

西派流至邕州一百五十里東沿流至橫州一百三十里北至澄州抵大山無路

貢賦 唐書地理志巒州貢金銀此與賦並缺載

管縣三

永定 武羅 靈竹

永定縣 下郭下

武羅縣 下北至州九十里

靈竹縣 西至州九十里

右三縣並與州同置

元和郡縣志卷三十七

元和郡縣志

卷三十七

十四